

堯山堂外紀

堯山堂外紀卷八十四

晉陵蔣仲舒編

國朝

劉溥

字原博號草窻長洲人太醫吏
日與郭登湯胤勳同稱吟豪

劉原博八歲時賦溝水詩云門前一溝水日夜向
東流借問歸何處滄溟是住頭後仕雖不甚顯
然卒以詩名

劉草窻嘗爲繭窩詩有言今茫茫白雲老之句衆

推其工有謂雲者聚散無常之物豈得謂老草
窻曰不聞天若有情天亦老乎其人辯不已草
窻怒曰不讀二萬卷書看不得溥詩

劉欽謨在京師嘗與湯胤勳同過劉草窻胤勳沈
禮甚恭携八詩就評草窻以手掩之問何詩胤
勳曰北京八景詩草窻曰比在當時胡文穆公
揚文敏公會狀元王侍講詩皆未易及公所
作能勝之則出不然不如已也胤勳曰第讀之莫

憲爲讀一首即以還曰不如多矣又言昨與楊
帥作白鵲詩殊不佳我亦嘗作乃真邊將白鵲
詩如公之作直學課詩耳草憲詩曰早隨金印
出邊州晚送權聲入御樓剪取白羅飛繡幕旗
竿十丈掛胡頭胤勣大稱服

劉珏

字廷美號完菴景泰天順間為吳
中詩人之最涼師號為劉八句

劉廷美爲刑部主事居京師與徐武功劉原博諸
公爲詩友每相過必談論達旦嘗歲除原博邀

之守歲廷美因挾所鍾馗畫像求題原博遂援
筆大書一詩於上明旦持歸縣之中堂京師每
正旦主人皆出賀惟置白紙簿并筆研於几賀
客至書其名無迎送也是日朝罷劉定之黃廷
臣兩學士百至見此詩各摘簿一葉錄之去朝
士繼至者皆摘錄之頃間簿已盡矣廷美晚回
索簿閱賀客以圖往報家人告其故明日復置
一簿亦如之中書舍人金本清戲謂廷美曰此

鍾馗乃耗紙鬼也一時京師傳爲奇事原博詩
曰長空糊雲夜風起不忿成羣跳狂鬼倒提三
尺黃河冰血灑蓮花舞秋水飛螢負火明月羞
櫟窠影黑啼鴉鷓綠袍烏帽逞行事磔腦剝腸
天亦愁中有巨妖誅未得盍駕威輪驅霹靂如
何袖手便忘機回首東方又生白

劉完菴薄干仕宦年五十遂解組時有憲臣索題
牧牛圖爲賦詩曰牧子驅牛去若飛免教風雨

濕蓑衣。回頭笑指桃林外。多少牧牛人。未歸憲
臣亦感泣掛冠去。

成化初。瓊臺邢公宥爲蘇守。以梅華求題。廷美賦
絕句云。歲寒相見在天涯。玉色珠光帶露華。笑
殺玄都狂道士。種桃何不種梅華。邢公得詩甚
喜。後邢公以郡中久荒陂蕩。起稅民心頗怨。有
投詩刺之者。曰。量盡山田與水田。只畱滄海與
青天。漁舟若過閒洲渚。爲報沙鷗莫浪眠。邢公

聞之以爲廷美所作嗾之或勸往白廷美曰彼
奈我何後廷美卒邢公弔祭皆不往人多非之

聶大年

號東軒臨川人通詩書二經萬
意古文及唐人詩書法李北海

景泰間聶大年用薦起爲仁和訓導藩憲諸公與
一時達官顯人過抗者皆禮重之其名傳於遐
邇癸酉歲值大比兩廣湖湘山西雲南皆以交
文來聘大年以老而廢學就辭以疾兼以詩謝
之云名藩較藝遣徵書使者頻煩走傳車老大

難遵太行路平生厭食武昌魚
五羊城古仙遊遠八桂霜寒木
落疎寄與青雲舊知己莫因辭
賦薦相如卒就雲南之聘

聶大年之掌教武林也歷官九年不以家眷自隨
嘗有答內子寄衣詩云山妻憐我舊蘇秦寄得
衣來穩稱身落日故園歌白苧秋風京洛染緇
塵同心意重思偕老結髮情深不厭貧萬里莫
如歸去好幾多衣錦夜行人又有諭兒輩詩云

四兒五歲六兒三莫與肥甘習口甜清白家傳
無我愧詩書世業要人擔三食淡飯何須酒一
筋黃蓋略用鹽聞說有人曾餓死算來原不爲
官廉

聶大年在武林日有二僧爭住禪院招而飲之因
贈詩曰蕭蕭落日下荒基古殿淒涼白塔低燕
子不知身是客秋風猶戀舊巢泥二僧慚愧罷
去

聶大年嘗賦卜算子二首蓋自况也辭云楊柳小
蠻腰慣逐東風舞學得琵琶出教坊不是商人
婦忙整玉搔頭春筍纖纖露老却江南杜牧
之懶爲秋娘賦粉淚濕鮫銷只恐郎情薄夢
到巫山第幾峰酒醒燈花落數日尚春寒未
把羅衣着眉黛含顰爲阿誰但悔從前錯馬浩
瀾和云歌得雪兒歌舞得霓裳舞料想前身跨
鳳僊合作蕭郎婦顏色雪中梅淚點花梢露

雲雨巫山十二峰。未數高唐賦。花壓鬢雲低。
風透羅衫薄。殘夢膏腴下翠樓。不覺金釵落。
幾許別離愁。猶自思量着。欲寄蕭郎一紙書。又
怕歸鴻錯。

聶大年詩翰著名一時而不得預京銜或曰大年
在錢唐時嘗署桃符云文章高似翰林院法度
嚴如按察司以此見忤達官天順初被徵修史
竟以疾卒于京師旅邸翰林諸生多惜不獲見

者時童大章在座素善滑稽因曰不必識其人
彼但多一耳少一目而已衆爲闕然蓋大年姓
聶而眇一目也

聶大年之被徵脩史也時朝廷銳意俟書完日開
館諸閣老乘閒抵本院官怠緩完期不可必因
各薦所知於是丁叅議瑄等皆被召大年扶病
入館退食松林下經宿而死其中病如章主事
誦老如劉治中實劉宣化先生因譏之曰生老

病死苦。史館備矣。一日丁叅議與宋尚寶懷尚
氣失色。忿詈於館中。陳緝熙遽成一詩云。叅議
丁公性大剛。宋卿凌慢亦難當。亂將毒手拋青
史。故發愴言污玉堂。同輩有情難勸解。外郎無
禮便傳揚。不知班馬韓歐輩。曾爲脩書開幾場。
明日二人聞之。悔恨自解。謝曰。毋更貽斯文。笑
也。識者以是知此書畢竟無成。蓋執筆者多非
其人也。

初大年嘗言王柳菴冢宰求戴文進畫十年不得
何如移十年求畫之心求天下之才此言頗聞
於柳菴大年病不起乃使所親投詩于公中二
聯云鏡中白髮難饒我湖上青山欲待誰千里
故人分蘖少百年公論蓋棺遲公得詩泣下曰
大年欲吾銘其墓耳明日而大年卒公爲墓誌

劉泰

字士亨錢唐人號菊莊景泰天順間
隱居不仕所著有菊莊晚香諸集

劉菊莊嘗次聶大年韻題詩於南屏淨慈寺壁云

步聯苔。磴翠層層。方外幽尋。我最能虎。熟不驚。
團社客。鷗閑常送。過湖僧支那。踏偏無雙寺。臨
濟傳來。有一燈話。久頓忘。饑渴想詩懷。清似玉。
壺冰時。按察使泰和曾蒙簡見之。笑謂寮來曰。
如此閒情。我輩不及也。

劉士亨晚春漫興云。單羅初試。怯春風。金鴨香銷。
翠被空。江燕低翻。三寸黑海棠。微褪一分紅。酒
因睡淺。醒難解。詩爲愁多。句未工。晴日漸長。兒

女懶鞦韆閒在曲欄東。嘗自謂人曰：此當與楊眉庵孟載頡頏也。

劉士亨題芍藥云：綠陰庭院已非春。紅芍翻階露朶新。綽約嬌姿誰得似。天風吹下衛夫人。其詠黃菊云：芳叢燁燁殿秋光。嬌倚西風學道妝。一自義熙人採後。冷烟疎雨幾重陽。其秋葵云：露華燁燁照秋林。誰把紅芳暗博金。白露不凋霜不剪也。知中有句。陽心其墨菊云：自是中黃第

一家屬來時節傲霜華如何秋色無人管移向

龍香道士家

士亨大書門曰老年賣詩為業求者當求善價卒無一人能承其意

劉菊莊與夏少卿善人有問其姓字者則荅曰夏

少卿之俗友更不言已姓同時有沈循與都憲

錢鉞有屬人詢其不亦曰錢員外是我外兄有

好事者為之語曰沈循只說錢員外劉泰常稱

夏少卿一時傳以為笑

時有桂廷珪者嘗館於錦衣門達家劉私印曰

鉞衣西席又松陵驛丞甘某洗馬江朝宗之壻亦有私印曰翰林東牀一時傳笑以為的對

陸昂

字元偁號清溪與馬鶴臆洪偕出劉菊莊之門而清溪得詩律鶴臆得詞調異

體齊

名

陸元偁梅花絕句云春到南枝與北枝花開的皦

照寒漪何人似解相憐意不把東風玉笛吹

馬浩瀾著花影集花影者月下燈前無中生有以

爲假則真謂爲實猶涉虛也其中秋鵲橋偈云

不寒不暑無風無雨秋色平分佳節桂花香散

夜涼生小樓上簾兒高揭多愁多病閒憂閒悶

綠鬢紛紛成雪。平生不作負恩人。惟負了。今宵。
明月其落花滿庭。芳云春老園林。雨餘庭院偏。
惹蝶駭鶯猜。蔦紅皴白。狼藉滿蒼苔。正是愁腸
欲斷。朱箔外。點點飄來。分明似身輕飛。燕扶下。
避風臺。當初珍重意。金錢競買玉砌新栽。更翠
屏遮護。羯鼓催開。誰道天機繡錦都。化作紫陌
塵埃。紗牕裏有人憐惜。無語托香腮。

錢唐湖山之勝。以飛來峰爲最。馬鶴臆所居。去飛

來峰不十里以貧累不能數往因題詩曰飛來
峯在脚跟頭十五年間兩度遊說與山靈應笑
我先生忙到幾時休

王澄

字天碧號雪村
馬鶴應詩友

王雪村幼攻詩書有趙法里甲報吏名於有司藩
司因辭而怒焉撥授處州府架閣庫役不得已
就之一日因題馬一絕云一日行千里曾施汗
血勞不知天廡外誰是九方臯書府門呆愚間

府主召而詢曰汝曾何弟子員耶對以農民太
守駭而試以南山晴雪之題雪村信筆呈云雪
霽南山正坐衙瑩然相對兩無瑕瑞光曉布三
千里和氣春生百萬家未可擁爐傾竹葉且須
呵筆詠梅花豐年有象皆侯德五袴歌謠徧海
涯太守大喜遂集府佐諸子弟而館之命人代
其吏事一日太守至館見課簿有對曰三箇半
鍾鍾半酒一邊雙陸陸雙星因擊節嘆曰有才

如此不獲時位豈非命乎自是日得親幸名聞
士夫逮役滿歸杭杭運使聞而請代文移視太
守尤敬之自以出入公門不雅堅辭以疾日與

文士往來於湖山云

嘉靖初安仁湯寶初為學
吏邑令洗汝實先數試諸

生學諭徐元稔每同試一日屬洗集試縣吏徐
命寶同試洗命賦燭花詩寶作絕句云淚滴銀
檠雨光極綺席奏一朝懸要路普照四方人洗
驚異疑其假手命和一章即占云心熱皆因火
花開不待春自慚余寂寞長伴讀書人
洗大稱賞縣吏皆閣筆寶後官縣尉

王雪村與馬鶴窻泛湖雪村善召箕仙術每吟咏

有窘阻則叩仙續之仙箕常携以隨鶴窻因請
召之箕既動鶴窻問仙何名即書云有事但問
問畢告名鶴窻曰有句云捧瑤觴南國佳人一
雙玉手久未有對即書云跌寶座西方大佛丈
六金身二人方驚愕箕運如飛復成一律云此
地曾經歌舞來風流回首即塵埃王孫芳草爲
誰綠寒食梨花無主開郎去排雲叫閨闈妾今
行兩在陽臺衷情訴與遼東鶴松栢西陵正可

哀後書云錢唐蘇小小敬和鶴窻疇昔湖橋首
唱已而箕寂然不動二人相顧若失稱嘆久之

林玠

字廷珪閩侯官人
領天順壬午鄉薦

林玠與其弟瑋同赴會試至鷺湖驛玠得疾瑋扶
以歸甫及門卒其魂鬱不散家人每接之夢寐
彷彿聞其聲迹靈几間器物或自動乃如紫姑
神法置箕布灰于几箕輒自舉遂令人扶之箕
運不休就視則皆詩文也別父母有句云如今

我已終天別何計能酬寸草心別兄弟云鴻鴈
層雲憐隻影池塘芳草憶殘春別妻云寄言與
爾無他說節義冰霜不可虛賦書樓極目云清
風搖動硯池雲飛鴻點破江山影觀蓮云呼童
泛美酒對此紅芳傾若人已僊去此花空自馨
作文贈序凡七十餘首家人次以成編自名之
曰靜庵遺玉初箕動成文之時親友臨者毛髮
竦豎久之則答問如平生矣如是年餘乃已

後塘

為御史提學南

歲語人如此

張錫

字夫錫號海現錢唐人領天順壬午鄉薦授山陰縣教諭作文極敏德而用事

多出杜撰人有質之者則高聲應曰出太平廣記蓋其書世所罕也

張天錫才華灑落跌宕不羈不經意語往往動人
一日與客遊湖客指魚叢索賦天錫應聲曰誤
入在泥沙。青山是故家。無心棲燕雀。有意戀魚
蝦。春到萍為葉。冬來雪作花。莫教張子見。錯認
是僊槎。

張天錫所居爲回祿所燬作四六短疏以干知識
有云禿和尚只化凡夫老癡儒惟求達士曾聞
晉將軍爲戴逵造室頗極富饒宋丞相爲康節
買居務期寬廣何昔賢之好事豈今日之無人
敢希輪奐之維新聊冀土茨之苟合使我春誦
夏絃勝彼朝鐘暮鼓貯清風明月於無窮藏奇
書異畫於不朽是所望也惟善圖之不數月而
新居落成所構有望海亭見山樓育負軒等數

十間

錢唐俞鳴玉

珩

杭州前衛軍餘也善詩字多辯才

然其性狙獪貪侈弘治初投身爲鎮守內官張慶掾史遂虎而翼起家巨富其未爲掾史時亦欲如富貴相張海觀作詩譏云輕羅細葛稱身裁今恐無憑換得來莫道此人窮盡了出門還

要轎兒擡

時金陵陳榮知仁和爲適虎爲害命獵人捕得之籍紳多縣詩歌冊佚以

贈行賦一詩云虎告相公聽我歌相公比我食人多相公若肯行仁政我自雙雙去渡河張慶

兄弟三人皆為宦寺親幸用事勢張甚珩為慶
所親任假其威故敢為此言及慶死外臺珩
罪謫嶺南戍海邊初珩嘗至海寧適有人為子
行賄得中鄉試者會試卒於道珩為詩吊之云
門外長檐百尺高昔人曾此逞英豪
黃金散盡買科舉不見賢郎著此袍

沈宣

字明德與張天錫齊名
後應貢授安慶府訓導

沈明德在庠時嗜酒能文尤工于詩畫一時當道
重之嘗以課試不完董學憲副吳原明因其疎
于經學且重聽命賦耳聾詩因草書龍字于水
板沈望見耳脚帶長以為打字亟奔去復召喻

以作詩遂口占云紅塵飛滿舊青衫貧病年來
笑更兼四十無聞聾亦順半生多事老何堪山
蟬一任鳴方歇穴蟻從教鬪正酣兀坐無言心
似水對人袖手倦清談

沈明德嘗有詩詠蟹云郭索橫行逸氣豪秋來興
味滿江臯玉缸十斛醱醪酒不待先生賦老饕
頗豪俊可愛劉邦彥嘗爲題畫有云雪消岳色
露真容澗道奔泉走玉龍千仞高寒凝不動行

人知是丈人峯

劉英

字邦彥號賓山沈明德婿也

劉邦彥有上元五夜觀燈詩十三夜云近喜元宵
雪更晴。千門翠竹結高棚。珠簾半捲月將圓。玉
指初調未合笙。新放華燈連九陌。舊傳金鑰啓
重城。少年結伴嬉遊去。遮莫雞聲下五更。十四
夜云燈光漸比夜來饒。人海魚龍混暮潮。月照
梅花青瑣闥。煙籠楊柳赤闌橋。鈿車過去拋珠

果寶騎重來聽玉簫共約更深歸及早大家明
日看通宵十五夜云一派春聲送管絃九衢燈
燭上薰天風回鰲背星毬亂雲散魚鱗碧月圓
逐隊馬翻塵侶海踏歌人吟夜如季歸遲不屬
金吾禁爭覓遺簪與墜鈿十六夜云次第看燈
俗舊傳寶箏重按十三絃人心未必今宵絕鬼
魄還如昨夜圓尚覺繁華誇樂土何須廣樂聽
鈞天追歡獨羨兒童健靜對梅花憶往年十七

夜云繡簾率地護輕寒。明月來遲。鳳蠟殘。風掃
烟花春爛熳。雲沉星斗夜闌珊。醉敲馬鐙還家
去。誰抱龍香隔院彈。試看燒燈如白日。鰲山無
影海漫漫。

劉邦彥暮春陪陳太常西湖宴集詩云六橋柳色
翠迷津。畫舫移遲送酒頻。醉眼不知三月暮。賞
心又度一年春。鶯諧急管催歌板。燕蹴輕花墮
舞裊。年少莫將行樂悞。座中半是白頭人。又載

酒過湖詩云寒食清明次第來紫苞紅萼畧池
臺東風似與人商略最好花教最後開

周鳳

字岐鳳江陰
之青陽人

岐鳳性敏絕倫亦諳邪術肆爲奸淫以故不齒
於人後坐事亡命日無定居嘗抵蘇蘇人錢擘
投以詩曰琴劍飄零西復東舊遊清與幾時同
一身作客如張儉四海何人是孔融野寺鶯花
春對酒河橋風雨夜推蓬機心盡屬東流水惟

有家山在夢中岐鳳得詩大慟後入都圖自直

竟病死邸中

群亦索黜以貲為都司經歷擲人訟其不法知府揭貢執而罪之

多所屬託反訐奏貢罪歸衣官校奉命與巡撫崔都憲恭同訊有旨以同寮不和俱黜為民

本一富民第以貲得冠帶與貢並無

寮友之義命下之日人無不驚謬

周岐鳳死後三吳間有召僊者周忽至運箕如飛

頃刻數百言往往奇中有詩云長安萬里月杜

陵三月春一茗一鑪香清風來故人又云海外

獨身遊風雲際會秋我傳靈德去仗劔鬼神愁

書其後曰設茗與香誦此詩吾即至後試之信然

淞江守私解失金首飾請仙問之則大書四句云
久旱逢甘雨他鄉遇故知洞房花燭夜金榜掛
名時求釋其意不荅請書名乃書曰周岐鳳守
不悅以爲鬼語不足憑間爲一學官言之對曰
此世俗所傳四喜詩耳守愕然曰吾家有小女
奴實名四喜得無是乎執而訊之物果爲所竊

猶藏解後灰中乃悟前語

翟永齡

號海槎武進人滑稽多端儕輩無不受其侮謔者

翟永齡與陸廉伯並以才學馳名後陸發解而翟名最後以書東所親曰至矣盡矣方知小子之名顛之倒之反在諸公之上蓋以自朝因朝陸云翟赴試南京患無貲乃買乾棗數十斤每至市墟則泊舟呼羣兒至兒與一淘棗教之曰不要輕不要輕今年解元翟永齡自常州至丹陽民誑載道聞者爭覓其旅訪之大獲贖利

翟永齡平日不詣學官教官責之罰論一篇以牛

何之命題翟操筆立就結語云考何之二字兩見於孟子之書一曰先生將何之一曰牛何之先生也牛也一而二二而一者也教官一咲而罷

翟永齡偶過靖江人咸以相公稱之時有一吏在坐亦稱相公翟意謂人不加敬後有出扇求詩者此吏捉筆竟題於前次至永齡故爲不能之狀題曰山不山水不水一片板上兩箇鬼

扇景一船

二人一吹一個吹火通一個搖大櫓嚇得雞婆

飛上天

扇上畫

世間名畫見萬千不知此畫出何

譜詢知海槎衆人甚報

靖江人言語俗謂之沙骨碌翟海槎詩曰馬洲風

景亦不俗依舊桃紅併柳綠林間好鳥樹頭啼

聲聲只叫骨碌碌

靖江本江陰之馬馱沙也天

題謁客所送扇轉贈之云馬馱沙上縣新開城

報民稀半草萊寄與江南諸子弟秋風切莫過

江來今人干謁者

謂打秋風故云

有採匠求翟海槎題春聯翟改陽春布德澤云陽

春生德澤萬物布光輝

布光輝者布光交也

一時哄然

翟海槎自嘆曰人生七十古稀有處世誰能得長
久光陰恰似過隙駒綠鬢看看成白首積金過
斗皆是閒幾人買斷鬼門關不將歌舞送樽酒
徒廢鉛汞燒金丹白日飛昇無此理畢竟有生
還有死眼前富貴一枰碁身後功名半張紙古
稱彭祖壽最多八百歲後還如何勸君有酒舞

且歌窮通壽夭皆由它

馮徽

勸學詩有少小須勤學文章可立身滿朝朱紫貴
盡是讀書人成化間馮御史徽以事謫戍馮易
前詩云少小休勤學文章悞了身遼東三萬衛
盡是讀書人

沈質

字文卿號玄谷居太倉

沈文卿家甚貧以授徒爲生一夕寒不成寐穿窬

堯山堂外紀卷八十四

一十二

者穿其壁文鼎知之口占云。屋寒月黑。夜迢迢。
辜負勞心此一遭。架上古書三四束。堪將去。
教兒曹。穿壁者一笑而去。

堯山堂外紀卷八十五

晉陵蔣仲舒編

國朝

施槃

字宗銘蘇之東洞庭山人正統戊午吳縣夢池蓮一莖三朶巡撫周公忱見之曰行有當之者明年槃以縣學生狀元及第年纔二十餘時皆以洛陽年少遇之公

卿爭前席

亡何遽卒

施槃少有奇質其父携之商山陽主富人羅鐸家有張都憲者來飲鐸命其子與槃偕出見都憲

令屬對曰新月如弓殘月如弓上弦弓下弦弓
樂應曰朝霞似錦晚霞似錦東川錦西川錦都
憲異之謂鐸曰有資如此何不成之鐸即俾與
子同學給其貲費業成還鄉久之登薦魁天下
時年二十三

施槃常咏蝴蝶云莫怪風前多落魄三春應作採
花郎赴會試留別云紅雲紫霧三千里黃卷青
燈十二時恩榮宴賦詩曰千里觀先我獨行辭

親無奈惜離情玉堂未擬登三輔金榜先叨第
一名麟鳳駢臻欣道泰車書混一仰文明太平
天子恩如海虎嘯龍吟會匪輕

張和

字節之號篠菴崑山人仕繁榜進士既仕猶學讀漢書必三十遍

張篠菴初登第施狀元一日出釋老悔孔子圖即
口占云釋老倡狂侮大儒書生爲爾發長吁不
知過宋園匡日還似于今畫裏無又曰拂鬚揮
鼻彼何人放誕能無愧此身名教萬年齊日月

須知魯國一儒真

張篠庵眇一目嘗贊千眼觀音云汝有千目衆皆
了。了。我有雙目一明一眇多者忒多少者忒少
宣城湛銓構南山清隱張篠庵贈詩曰遁跡甘從
鹿豕羣南山深處隔囂氛屋前流水連青嶂堦
下寒松護白雲栗里自勢元亮酒草堂不辱穉
珪文紛紛車馬塵中容高節能無愧隱君

天順間張節之官浙江憲副時寵妾新亾有悼詩

云桃葉歌殘思不勝。西風吹淚結紅冰。樂天老去風流減。子野歸來感慨增。花逐水流春不管。雨隨雲散事難憑。夜來書館寒威重。誰送薰香半臂綾。

林聰

字季聰閩寧德人
苑榮榜進士

林莊敏公九歲時邑宰包姓者謁其尊翁梅所先生公侍側有白犬在門顧梅所包曰公子能對乎梅所曰頗能包出句云白犬當門兩眼睜睜

惟顧主公應聲曰黃蜂出洞一心耿耿只隨王
包嘆異曰公輔之器也

林莊敏公初爲給事中以言謫國子學正嘗坐率
性堂有書懷詩曰東風吹雪弄餘寒撲棹歌來
興未闌聖世誰云輕冷職菲材元不稱言官蠹
芸香煖圖書靜爐篆煙銷午漏殘自笑此身宜
懶散敝冠塵土不須彈

成化間林莊敏公爲司寇一日與陝西楊司馬鼎

會坐林戲曰胡兒十歲能騎馬蓋楊多髻頃而年
一少之故楊遽荅曰癩子三年不似人林在位已
久而閩地有癩也

劉儼

字宣化號時
雨吉水人

正統七年廷試進士姚夔等百五十人劉儼擢第
一有邵進者在甲尾劉嘗致柬于邵自稱爲年
未或謂邵云劉公笑子殿甲尾故云然邵怒曰
狀元不是工夫上人做我見劉必辱之笑而解

之以詩云狀元本是龍頭選龍尾分明屬邵卿
龍尾棹時天必雨龍頭未必敢相輕邵開之亦
解顏

姚夔

字大章浙相廬人正統中鄉會試皆第一國朝謚法出自翰林者得謚曰文若

魏驥謚文靖葉盛謚文莊吳訥謚文恪夔謚文敏皆不由翰林

本朝開科取士京畿

各布政司鄉試在子卯午

百年秋八月禮部會試在丑辰未戌年春二月

蓋定規也洪武癸未

太宗渡江天順癸未貢

院火皆以其年八月會試明年三月殿試於是
二次有甲申科貢院火時舉人死者九十餘人
蘇州奚昌元啓爲詩云回祿如何也忌才春風
散作禮闈災碧桃難天向邊種丹桂翻從火裏開
豪氣滿塲爭吐焰壯心一夜盡成灰曲江勝事
今何在白骨稜稜漫作堆是年姚夔爲知貢舉
官自謂不能致防殃及賢俊請諭祭于郊祭時
夔伏地慟哭觀者以萬數哀震數里

時御史焦
顯爲監臨

官火起顯鎖其門不容出入致死者藉藉後人
詩云先兆或從焦御史未然奎焰可為災 奚
昌弱冠領鄉薦負重名一日游金陵少宗伯倪
公克謙適生子設湯餅會元啓與焉賀以詩所
生子即大宗伯舜咨也後元啓贈登禮闈三十
年至宗伯為翰林編修佐試始獲一第因題其
坊曰
老桂

舊制學校生員廩膳有額增廣無額故名之增廣
亦有額自宣德四年始至景泰元年照舊無額
後成化三年又額時京師語曰和尚普度秀才
拘數禮部姚夔顛覆國祚不得已又附學之名

立焉

周洪謨

字堯佐四川長寧人商輅榜第二初

經書義五篇
國初舊制也

周文安公赴公車日舟泊邗江夜見一異人謂曰
吾子前身也前程萬里終身清要公問子何人
曰吾友鶴山人也姓丁家維揚及公官南京翰
林以詩試維揚太守三原王侯怒曰生死輪迴
事杳冥前身幻出鶴仙靈當年一覺揚州夢華

表歸來又姓丁。侯得詩甚訝，集郡中耆者詢之。羅文節曰：友鶴山人名鶴，年吾友丁宗啓之父。父官武昌，遂家焉。伯氏登進士者三人，友鶴獨恬然布素，以詩名家。元末隱處，至建文元年，沒于成都。以儒雅重于藩王，有德人也。侯即以此復公世以爲異，如羊枯房瑄之事云。

卞榮

字莘，作江陰人。高輅榜進士。善畫，世所珍。卞郎中山水是也。

卞郎中榮姚御史綬皆一時詩人，嘗集古句聯老

妓詩云天涯歸計欲如何記得雲間第一歌氣
力已無心尚在鬢毛白盡興還多池邊命酒憐
風雨洞口經春長薜蘿畱得舊時殘錦在往來
星騎一相過

十戶部未第時一日過常熟聞錢允暉詩名往
謁之二公未嘗會晤卞及門與鬪者曰可語汝
主詩人特相訪錢訝何人自負如此適讌客有
妓錢令僕者出語之曰若賦贈妓詩一絕方接

見仍以艤降湘爲韻卞不構思一揮而就詩曰
琵琶斜拖出艤艤貌與荷花兩不降今夜彩雲
何處宿空畱明月照瀟湘允暉見詩嘆服不已
倒屣迎入遂定交焉

卞榮在某閣老坐適外報某廷試首選矣閣老曰
狀元却是瞋睡漢卞荅曰宰相須用讀書人蓋
諷之也

岳正

字季方號象泉桐天泐縣人正統戊辰
會試考官誤置落卷侍講杜寧取第一

廷試前一月 上夢儒釋道三人來見至
揭曉狀元彭時由儒士榜眼陳誥幼曾為
神樂觀道童正為探花
幼曾為慶壽寺書記云

天順初岳季方自翰林入閣 英廟深所眷注後
為曹石所嫉請欽州同知瀕行親交無敢送者
欽天監漏刻博士馬軾餞以詩曰灤江江上水
悠悠送客江邊莫上樓五嶺瘴高煙蔽日兩孤
雲濕雨鳴秋豐城劒氣東南起合浦珠光晝夜
浮祭罷鱷魚歸去晚刺桐花外月如鉤季方宿

張家灣舟中用韻賦和曰被罪承恩嶺外遊思
鄉何處仲宣樓風霜萬里蠻荒夜煙雨三江澤
國秋不信功名成夢覺蚤聞富貴等雲浮令人
却羨桐江叟長擁羊裘把釣鈎

岳季方將赴欽州道瀨縣以母老畱閱月爲曹石
黨所訐逮繫錦衣衛獄拷掠備至謫戍甘肅有
自京師來者傳天語於甘曰岳正倒好只是大
膽或以賀岳曰上念公如此行召公矣曹生爲

寫容遂隳括其辭題于上云岳正倒好只是大
膽惟帝念哉必當有感如或赦汝再敢不敢臣
嘗聞大人之言蓋將之死而靡憾也

公性不能
容人或謂

公曰不聞宰相腹中撐舟乎曰順
撐來可容使縱橫來安容得耶

成化初有忌岳正者偽爲正劾內閣李賢疏草賢
銜之會部院大臣薦正宜大用賢乃假歷練之
說票旨陞知興化府命下有以濯足圖求題者
正感而有作曰踏遍天涯兩足存西馳未定又

南奔人間有水皆堪濯何必滄浪一段渾

岳季方在興化有燕臺懷古一律云督亢陂荒蔓
草生廣陽宮廢故城平秋風易水人何在午夜
蘆溝月自明召伯封疆經幾換荆卿事業尚虛
名黃金不置高臺上似怪年來士價輕

岳蒙泉有古樂府二闕短短床太跼促徒能坦郎
腹未得展郎足縱郎有意爲合歡床短安能薦
郎宿太跼促短短床流蘇苦不長蘭麝無馨

香郎欲招妻妻不來。可憐春色空輝光。

柯潛

字孟時別號竹品景泰辛未狀元聞翰
林有亭一區曰柯亭有柏二株曰柯學

栢士

杭州徐童子霖五六歲精於書法柯學士潛贈詩
云徐家之子真奇絕風骨自與凡人別神駒矯
矯步天衢雛鳳翩翩出丹穴前身可是張文舒
不然年纔五六那能書當筵握筆不停手驚風
颯颯蛟龍走掃畫驚筵三百張鐵畫銀鈎大如

斗君不見東隣老翁生一子。癡絕無才事純綺。
從來紙筆不相親。見此奇才應愧死。

成化初兵書王紘致仕歸河州柯學士潛有詩送
之末云不知白髮隆鍾者猶踏清霜候早朝吏
書王翺見之曰柯君此詩蓋謂我也

陸景

字孟昭蘇之大倉人柯潛榜進士
僮好客時人疑為郵嘗時陳孟公

陸景為刑部郎中嘗往一朝士家駕牛投刺不書
名惟云東海釣鰲客過朝士歸見之知為景也

亦遞一帖云西番進象人來蓋呆黑面白齒人
皆朝爲象奴云呆與麗水金文二人皆景泰二
年進士善戲謔文嘗朝呆曰黑象口中含玉齒
呆應聲曰烏龜背上嵌金文又聞一朝士麻臉
而眇一目眇士戲麻士云麻臉鬚鬚羊肚石倒
栽蒲草麻士荅云歪腮白眼流螺杯鉢嵌珠
象為之

絕倒

陸景自以歷任年深當有不次之擢道逢刑部尚
書陸公瑜大理卿王公槩乘肩輿因避馬即爲

口號云陸老前頭去王公逐後來明年二三月
也有轎兒擡諸公聞而惡之遂有福建參政之
擬果行察案錢之對衆朗吟云非是區區欲大
參奈因兩鬢雪毵毵諸公側耳朝端聽一箇清
風振斗南後又寄詩京師諸故舊云再三上覆
衆哥哥人事無多沒奈何只有新書并手帕拉
無段足與紗羅聞者益怒遂不復進云

陸孟昭居卽署時好結納四方卽第外隙地構屋

數間扁曰清風館朝士迎送必假之爲宴樂孟
昭復益以餽酒不惜所費一日風雨大作平地
水深三尺館爲之傾客有戲之者云昨日清風
館今朝白水村水退孟昭復新之方落成已擢
閩省藩叅其居轉與侍郎滕某滕蓋白水村人
一時戲語遂成讖云

彭華

安福人景泰五年會元是科狀元孫賢
河南人榜眼徐溥宜興人探花徐鎰武

進人賢面黑溥面白鎰面黃
時謂鐵狀元銀榜眼金探花

景泰甲戌選進士十八人改翰林庶吉士入館脩

寰宇通志書成授官首則丘文莊公濬次則彭

學士華尹學士直俱編脩而牛綸以太監玉姪

亦與焉脩書兼攻課業惟此科爲然彭長於絕

句詠陶淵明云解印歸來雪鬢飄呼童滴露寫

前朝丁寧莫取江頭水恐是金陵一夜潮題王

明妃云抱得琵琶不忍彈胡沙獵獵雪漫漫曉

來馬上寒如許信是將軍出塞難

鄭文康

崑山人。生有疾。第後以不受
徵。歸臥山林。清室公耳然。

天順初有歐御史者考選學校士去畱多不公富
室子弟懼黜者或以賄免鄭文康送一被黜生
詩篇末云王嬙本是傾城色愛惜黃金自悞身
時有被黜者相率鳴訴于巡撫曹州李公秉公
不爲理未幾李得代順德崔公恭繼之諸生復
往訴公一一親試之取其可者檄送入學不數
年有中鄉試者有登進士第者

黎淳

字太樸號樸庵
岳之華容人

天順丁丑黎淳會試入京已二月四日矣禮部主
司嫌其遲至拒之曰少汝作狀元邪淳應聲曰
此亦在吾輩也至邸見壁題畫有云昨夜簷前
乾鵲噪聲聲報道狀元來已而果舉第一

黎淳性淳厚不事遊冶自言絕跡青樓同輩欲戲
之使人先約妓曰若遇吾輩同行爾可呼黎淳
吾輩當至也一日相邀過之見一妓以手招呼

曰黎淳黎淳諸友哄然排之淳不與辯即口占
曰十里紅樓五里程忽聞花底喚黎淳狀元本
是天生定故遣嫦娥報姓名雖談笑中其自負
如此

陸鈇

字鼎儀號靜逸崑山人與張滄洲同年進士張名泰字亨父尤長於詩

天順癸未崑山陸文量會試寓京邸戲爲魁星圖
左手握筆一枝右手握鋸一錠取必定意文量
題其上云天門之下有鬼踢斗癸未之魁必定

入手貼於坐壁亡何失去時陸鼎儀寓友八溫
乘中家出以爲玩文量爲之惘然問所從來云
昨日倚門一兒持此示我以果易之文量默以
爲吾二人得失之兆矣未幾鼎儀中第一名文
量下第

陸靜逸嘗對景試張滄洲云楊柳花飛平地上滾
將春去滄洲應聲答云梧桐葉落半空中撒下
秋來

陸鼎儀張亨父同在翰林日招李西涯謝方石不
赴聯句東之李倡云月白庭空樹影寒謝云禁
林高處有棲鷺一枝自分鷓鴣足李云兩地休
憐羽翼單東壁往年詩在否謝云西堂深夜夢
回難懷人豈必仍千里李云幾度書來墨未乾

羅璟

字明仲號冰玉秦和
人天順甲申探花

羅璟自習舉子業至登科不知何謂之詩後考庶
吉士學士試以秋宮怨默然無以答遍問同考

者同考對以韻脚起結聯對如此然後即作一
詩云獨倚欄杆強笑歌香肌消瘦怯春羅羞將
舊恨題紅葉添得新愁上翠娥雨過玉階秋色
淨月明青瑣夜涼多平生不識春風面天地無
情奈老何主試者語之曰爾後必能詩已而果
然

羅明仲爲福建提學日同年謝方石李西涯忽憶
念之因聯句以寄謝侶云落落平生幾憶君李

云舊遊風月尚朝曛詩豪慣作分壇戰謝云談
洵真疑隔坐聞人道越閩今閩里李云天教房
杜出河汾詞林好是優閒地謝云白髮休看鏡
裡勳

山陰司馬通伯聖乃羅永玉春闈所取士也同爲
閩臬副使一日偶竝坐羅貽詩云歲在壬辰春
試勞至今朝著列英豪此行亦有堪誇處座主
門生相竝高司馬遂爲肉袒